



Protokoll

Leidandmed	EAA.3261.1.5
Kaader	46,47
Daatum	16.11.1887
Protokoll number	
Protokoll teema	1. Riiklikud, kiriklikud ja kogukondlikud koormised; 4. Perekonna- ja pärimisasjad; 15. Sotsiaalabi
Märkused	

Sel 16 Nowembril 1887

Posti laste wölmündre Johan Post ja Eduart Laber kaibasiwa, et Wantka tallo pidamine mitte enamb kõrran ei ollewat, nink nimmelt ei ollewat selle tallo pidaja Ann Rammul omma mehega sel astal tullekassa raha massnu, Wölmünder Johan Post ollewat omast käest poole asta jagu tullekassa raha massnu 5 rubl 54 kop ja nõuab nüid seda raha ja 1 rubl sõido raha selle tallo pidaja käest. Pääle selle pallusiwa wölmündre, et Peter Rammul sunitu saas neid honit ja ka Ellajat tullekassa alla wötta, tõiselt ei pidawat se Wantka tallo pidajat wanna meest Johan Posti mitte, enge ollewat selle ärra aijanu selleperrast nõuab moonna selle inemise tarwis. Kolmandalt nõuawat wölmündre et se tallo pidaja laste warranduse est kautsioni sisse peas massma, selle et praegu 4 ellajat majan ollewat, konna 12 peab ollema ja 10 wakka rükki om wähamb maha külwetu.

Peter Ramul tuli ette ja andis ülles, et tema naene Ann Ramul haige om ja selleperrast tulla ei olle sanu ja wastutas selle päle, et tema se massetu tulle kassa raha ja sõido raha 6 rubl 54 kop paari nädali perrast ärra massa tahab ja nisamma tahab tema ka selle asta tulle kassa raha massa. Tõise kaibuse päle wastutas Peter Ramul, et Johan Post om essi ärra lännu ja tema ei olle seda aijanu. Moonna ei wõi mitte tema ütsinda lubada. Kolmanda kaibuse päle wastutas Peter Ramul, et temal 10 Ellajat om ja et tema 18 wakka rükki wälja om külwanu.

Otsus: et Ann Rammul ette om kutsuta.

Kohtumees: Johan Opman XXX

Kohtumees: Jaan Hansen /allkiri/

" Johan Raswa XXX

" Johan Klim XXX